

CURRENDA XV.**A. D. 1865.****N. 121 p.**

Italis domicilium italicum retinentibus dispensatio super impedimento religionis mixtæ non concedatur.

Ordinatio hæc Romana elucet e sequenti Encyclica Eminentissimi Cardinalis Patrizi:

„*Illris ac Rme Domine uti Frater.* Sanctissimo Domino Nostro **PIO PP. IX.** maxime cordi est, ne ullibi ab italis italicum domicilium retinentibus mixta connubia ineantur. Idcirco in audientia die **XI. augusti** in arce castri Gandulphi r. p. d. Adessori **S. Officii** impertita mentem suam declaravit circa usum facultatum dispensandi super impedimento mixtæ religionis, quæ Nuntiis vel Delagatis apostolicis, Archiepiscopis atque Episcopis extra Italiam fiam; italos nempe, de quibus non constet italicum domicilium omnino deseruisse, intendit *exceptos*, ne iis ea *dispensatio concedatur*. Et mandavit hanc suam mentem iis omnibus significandam, quibus ob peculiaria rerum et locorum adiuncta fit facultas dispensandi super memorato impedimento mixtæ religionis.

Suprema **S. Officii** Congregatio huic mandato morem gerens hanc encyclicam epistolam ad **Amplitudinem Tuam** mittendam censuit, cui ego interim fausta ac felicia omnia precor a Domino.

Romæ die **14. Augusti 1865.** Amplitudinis Tuæ Addictissimus uti frater **C. CARD. PATRIZI.**“

Hæc pro notitia et directione.

Tarnoviæ die **19. Sept. 1865.**

N. 3058.

Consotiatio B. Mariæ refert de Missionibus in Centrali Africa imploratque succursum.

Exc. **C. R. Locumten. Commissio Cracov.** Rescripto de **30 Aug. 1865 N. 23338** communicat Nobis **Relationem de Missionibus in Africa centrali** ex a. **1864** commendando ipsum ulteriori **Dioeceseos** favori.

Relatio illa ferme tenuis coloribus **Missionis** statum ad **Chartum**, depingit. Princeps enim regionis illius continua sacra auri fame agitatus capturam nigrorum liberorum trans limites ac eorum mercaturam exercet, ad quorum transportationem, aliorum naves, privatorumque camelos violenter occupat, et propterea viae publicae interruptae, commercia, nexusve cum Europa ferme abruptus, transporta retardata, in longinquis depositoriis jacent; insuper incolæ perturbati anxiam ducunt vitam, inter quos **Missionarii** premuntur quoque aerumnis.